

第 30 張圖：做善事

關鍵客語詞彙：

ten 手、屋舍、廟脣、艱苦、摻毋係聽煞了後、戴目鏡、搭手、脣旁、過身、抑係、毋會差、打嘴鼓、跔等、地泥、背囊、跔、正經、共下、試著當入文該下

第一格圖：

做善事，毋係困難个事情，只要在別人有需要 ten 手个時節，奉獻出自家个一份愛心，像圖項有人會出錢買便當，分無屋舍好歇在廟脣个遊民抑係生活艱苦个人毋使餓肚。

第二格圖：

毋過，毋係有錢正做得做善事喔。

像學校先生會安排分學生仔「摻愛送入老人院」个活動，這日大家在教室共下討論、設計活動个過程摻愛準備个東西。

第三格圖：

第二日，來到老人院阿美負責拚掃，佢隨手拿起拖把拖地泥，阿明講古分阿公、阿婆聽，佢兜乜聽著當入文，聽煞了後還緊搭手，阿玉在脣旁摻戴目鏡个阿婆輕輕仔搥背囊，緊搥緊摻佢打嘴鼓，阿玉摻阿明還過唱歌分阿公、阿婆聽，阿公、阿婆佢兜乜跔等一片唱還一片跔節奏拍手，看起來正經係還歡喜喔。

第四格圖：

活動過後、轉到教室，阿明摻同學分享講：這擺个服務分涯學習著仰般講古分阿公、阿婆聽，還過看著佢兜恁歡喜，涯个心情乜試著當幸福，人講：敬禾得穀、敬老得福，正經一息就毋會差喔。

自家經驗：

有一擺，涯同阿姆去市場愛過青紅燈个時節，看著一個青瞑仔乜愛過車路，該下涯就問阿姆做得牽佢共下過去無？阿姆應講：做得啊，送花分人手留香；關懷他人斯心溫暖，該下涯个心情正經係溫暖又快樂乙。

提問：

1. 小朋友做得紹介一位社會項熱心助人个名人無？

答：陳樹菊，佢係在臺東傳統市場賣菜个阿姨，因為，佢還細時節，厥个阿姆繳毋出醫院保證金，無法度開刀續來過身，故所，佢認為錢愛分有需要个人，恁多年來佢捐助社會當多錢咧。

2. 小朋友請你講看啊，學生仔做得有哪兜方式做善事？

答：人講：有錢做功德；無錢拈開勞。在學校，涯做得教同學毋曉得个功課。在屋下，涯做得 ten 手做屋下个事頭，分爺哀歡喜，涯就試著當快樂、當幸福。

3. 小朋友請問你，若同學識摻你 ten 手無？係仰般个情形？

答：有一擺佢行路，無注意跌倒，腳盡痛。同學就扶我去健康中心擦藥仔，還安慰佢、鼓勵佢。我痛到留目汁，同學還借佢衛生紙擦目汁。